

Casteddu protagonista internatzionali de is lìnguas minoritàrias. Mèrcuris su 2 de ladàmini sa primau cunferèntzia aberta de sa lìngua sarda, “Cunferèntzia aberta de sa lìngua sarda”



Casteddu at a èssiri protagonista internatzionali in su campu de sa promotzioni de is lìnguas minoritàrias. A sa Passilliada Coberta de su Bastioni de Saint Remy a Casteddu, mèrcuris su 4 de ladàmini est in programa sa Prima Cunferèntzia Aberta de sa Lìngua Sarda intitulada “Sa richesa de Sardìnnia: Sardu, Català de S'Aguer, Gadduresu, Sassaesu, Tabarchin”.

Sa Cunferèntzia Aberta de sa lìngua sarda est organizada in aplicatzione de s'art. 6 de sa LR 22/2018, chi previdit chi sa Regione organizit una cunferèntzia aberta a pitzus de sa lìngua sarda, su catalanu de S'Alighera e su tataresu, gadduresu e tabarchinu, comenti trastu de impèllia, iniziativa e partetzipatzioni a sa definitzioni de is lìnias de indiritzu e a sa valutatzioni de is resurtaus cunsighius. Sa Cunferèntzia nascit comenti bisòngiu de cunfrontu tra is vàrius atores de sa polìtica linguística regionale, e ocannu siatentzioni s'at a cuntzentrai in particolari in tres aspetus. S'operatividadì de is Isportellus linguisticus territorialis, cun atentu particulari is recadimentus in tèrmines de servìtzius a sa populatzionei. Is sportellus linguisticus funt presìdius territorialis cun funtzionis de promotzioni de su sardu in sa Pùblica amministratzioni e de sensibilizatzioni de sa populatzioni cun cunsighenti afortiamentu de su status e de su corpus linguisticu. Sa Tzertificatzione linguística

provisòria C1 cunforma a su QCER aviada dae RAS e ÙNICA in su 2022; scopu de sa tzertificatzione est su de tènniri de is faeddadoris de lènguas minoritàrias in possessu de idònea tzertificatzione linguística, prus che totu in àmbitus chi interessent is piseddas e is pitzocus sardus, pro mori de sustentai e afortiai sa trasmissione intergeneratzionali. Is progetus IMPRENTAS, chi sa Regione impreat po agiudai s'impreu de sa lèngua sarda, de su catalanu de S'Alighera, de su gadduresu, de su tataresu e de su tabarchinu po sa publicatzionei de articulus in giornalis, periòdicus e testadas jornalísticas on-line, sa produtzioni de òperas editorialis in papei o multimedialis e sa produtzioni de programas televisivus o radiofònicus trasmìtus cun ogni mèdiu de spàinu.

Sa Cunferèntzia, presidia dae s'Assessori Andrea Biancareddu, at a tènnori tres àmbitus, unu pro ogni tema afrontau, a custus ant a partetzipai is protagonistas e is beneficiàrius de is contributus de sa Regione pro unu cunfrontu chi pòngiat in evidèntzia crititzidadi, aspetativas, prospetivas e resurtaus otentus.

Tra is reladoris est prevìdidu s'interventu de Davith Hicks, Segretàriu Generali ONG ELEN (European Language Equality Network). Sa punna de ELEN est su de rapresentai is 50 millionis de personas, su 10% de sa populatzioni UE, chi chistionant una lèngua regionali, minoritària o a arriscu de estintzioni. ELEN, e cumprendit 174 enteis e assòtzius chi rapresentant 50 lènguas in 25 stadius europeus. A s'Assemblea ELEN 2023 at a partetzipare puru Fernand de Varennes, reladori spetzialei de is Natziones Unidas po is chistionis de is minorias.

Duranti is traballus ant a essi projetadas de is produtzioneis IMPRENTAS e de is film in lèngua minoritària partetzipantis a su Babel Film Fèstival. A merici, a pustis de is concrusioneis de sa die de traballus de su Presidentei de sa Regione, Christian Solinas, spàtziu a s'improvisatzione e a s'ispetàculu. A s'internu de sa Passillada Coberta ddui at aèssiri su spetàculu "Unu work-sciopinu gràtzias!" cun Elio Turnu Arthemalle e Emanuele Contis, invècias, in foras, in sa Terratza de su Bastioni faci a is 20 est prevìdiu s'eventu de mùsica e ballus traditzionalis "Tra Sardu e profanu", organizau dae s'Assòtziu Symponia cun Folk&Roll e Ballade Ballade Bois.